

TALKING POINT
BRIG. JENERAL DATO' PROF DR. KAMARUDIN HUSSIN
NAIB CANSOLOR UNIVERSITI MALAYSIA PERLIS
SEMPENA
PERJUMPAAN MINGGUAN DAN MAJLIS AMANAT SUKUM
2011
PADA 28 JUN 2011,
DI DEWAN SERBAGUNA KUBANG GAJAH

Bismillah Hirrahman Nirrahim

SALUTATION :

Yang Berbahagia Prof. Dr. Zul Azhar Zahid Jamal, Timbalan Naib Canselor UniMAP (Akademik Dan Antarabangsa),

Yang Berbahagia Prof. Dr. Ismail Daut, Timbalan Naib Canselor UniMAP (Penyelidikan Dan Inovasi),

Yang Berusaha Encik Zuber Haji Mohamad, Timbalan Pendaftar UniMAP,

Yang Berusaha Puan Saodah Hassan, Bendahari UniMAP,

Yang Berusaha Puan Mazmin Mat Akhir, Pustakawan Kanan UniMAP

Dekan - Dekan Dan Ketua-Ketua Jabatan UniMAP

Barisan atlit-atlit UniMAP ke Kejohanan Sukan Kakitangan Universiti-Universiti Malaysia (SUKUM) kali ke-35 seterusnya warga Universiti Malaysia Perlis yang diraikan sekalian.

Assalamualaikum Warahmatullahi Wabarakatuh dan Salam Satu Malaysia.

Selamat Pagi, Good Morning, Kalai Vannakam, Zhao Shang Hao, Magandang umaga.

Alhamdulillah, syukur saya panjatkan ke hadhrat Allah SWT kerana dengan izin dan limpah rahmatNya, dapat kita sama-sama berkumpul pada pagi ini dalam sesi beriadah dan Amanat Naib Canselor bersempena Sukan Kakitangan Universiti-universiti Malaysia (SUKUM) 2011 yang akan berlangsung di Universiti Teknikal Malaysia Melaka (UTeM) yang akan berlangsung mulai 8 hingga 17 Julai ini.

Marilah kita sama-sama mendoakan semoga pasukan UniMAP berjaya merampas kembali kejuaraan mutlak pada tahun ini dan pada masa sama mengekalkan rentak persaingan sihat dalam semua acara yang disertai.

Alhamdulillah, pada minggu lalu, pasukan Pelajar UniMAP telah mencatatkan kejayaan terbaik dalam Sukan MASUM

dengan pencapaian 1 pingat emas, 1 perak dan 7 gangsa. Emas disumbangkan oleh boling padang yang turut menyumbangkan 1 pingat gangsa, Perak melalui acara silat manakala bagi pingat gangsa pula disumbangkan oleh acara olahraga yang memungut tiga pingat gangsa dan tenpin boling.

Saya juga bangga apabila dimaklumkan, pasukan hoki Pelajar UniMAP berjaya menempatkan diri dalam Divisyen 1 Liga Hoki Masum untuk tahun hadapan. Tahniah dan Syabas diucapkan. Semoga kejayaan pasukan pelajar ini akan menjadi suntikan semangat untuk staf UniMAP pula mencipta kejayaan yang membanggakan di SUKUM kelak.

Ladies and Gentlemen,

“Losers live in the past. Winners learn from the past and enjoy working in the present toward the future.”

We all strive for success in life. We aim for success in our home life, business life, and in our relationships with others. The sole factor that guarantees our success in every aspect of our lives is having a positive attitude. Without a positive attitude success is not possible.

People enjoy watching great athletes. The things that they could do physically seem impossible at times. But in reality some of those great athletes are just the same physically as

their other adversaries in sports. What sets them apart is that they are more mentally strong. What most people don't realize is that people succeed or fail based upon how strong their mindset is.

Some athletes are gifted personally but for some reason can't capitalize on it. Most of the time, it is in their mind and what they need to do is just hurdle their psychological block. Once you've hurdled it then you can be successful athletes.

Anger is another problem that I see can hinder success. If you can't control what's your feeling while playing, then it would lead to poor performance on the game and you'll lost is.

If you believe you can, you probably can. If you believe you won't, you most assuredly won't. Belief is the ignition switch that gets you off the launching pad.” All The best to all of you.

Hadirin dan hadirat sekalian,

Untuk makluman semua, UniMAP akan menghantar seramai 232 kontinjen untuk menyertai 20 acara yang dipertandingkan dan akan diketuai oleh Dr. Ku Mohd Nabil.

Misi kita pada kali ini ialah untuk merampas gelaran juara mutlak selepas hanya mampu berkongsi kejuaraan dengan

Universiti Sains Malaysia pada edisi tahun lalu. Dan pastinya sasaran kita memenangi lebih banyak pingat emas. (Untuk rekod pada tahun 2009 kita memenangi 30 pingat emas, dan jumlah ini menyusut kepada 24 pada tahun lalu). Pada tahun ini, saya amat berharap kita mampu meraih lebih dari 30 pingat emas untuk memastikan Juara Mutlak akan menjadi milik UniMAP.

Saya pasti anda semua atlit UniMAP telah bersedia mental dan fizikal untuk memikul cabaran UniMAP pada kejohanan kali ini. Anda telah diberikan pelepasan untuk menjalani latihan pagi dan petang malah ada yang berlatih pada waktu malam, selain mengadakan perlawanan persahabatan. Maka adalah menjadi harapan saya untuk melihat, semua keistimewaan yang diberikan kepada anda ini dibalas dengan ganjaran kemenangan.

Hadirin dan hadirat sekalian,

Anda adalah apa yang anda fikirkan. Fikirkan kejayaan, kejayaan akan jadi milik anda. Fikirkan kegagalan, kegagalan juga akan jadi milik anda. Jadi, apa yang ingin anda fikirkan?

Ayuh kita fikirkan : Yakin Boleh UniMAP...kita pasti Juara! Insya Allah.

Pada tahun ini, UniMAP masih mengharapkan tuaian emas daripada acara olahraga yang akan diperkuatkan oleh Mohd. Robani dan Idris Zakaria yang juga atlit kebangsaan. Tidak ketinggalan, dalam acara wanita, Fauziah dan Norhaslinda akan mengetuai cabaran dengan sasaran juara keseluruhan bagi Olahraga lelaki, wanita dan lelaki veteran.

Pingat emas juga disasarkan kepada pasukan bola tampar lelaki, tenpin boling lelaki dan tenis campuran. Pada tahun ini, kita kehilangan pingat emas bagi acara futsal wanita memandangkan tuan rumah memilih untuk menggugurkan acara berkenaan.

Walaupun bagaimanapun, saya mengharapkan 8 acara yang disasarkan memenangi pingat perak iaitu olahraga wanita veteran, tenpin boling wanita, futsal lelaki, bola tampar wanita, bola jaring, dart terbuka dan boling padang wanita mampu mencipta kejutan tersendiri.

Berusahalah sebaik mungkin untuk mengubah warna kilauan pingat dari perak ke emas. Saya percaya, dengan usaha yang jitu dan semangat berpasukan yang tinggi, anda mampu merealisasikan impian anda dan UniMAP keseluruhannya.

Hadirin dan hadirat sekalian,

Pada pagi ini juga, saya berasa amat berbangga untuk memperkenalkan jentera lumba baru UniMAP yang dinamakan UniART 2. Ianya merupakan jentera yang ditambah baik daripada model terdahulu iaitu UniART 1. UniART 2 akan memasuki pertandingan EIMARace 2011 (Educational and Innovative of Motorsport Automotive Race 2011) yang akan berlangsung pada 1 – 2 Julai 2011 anjuran Universiti Teknologi Malaysia (UTM) di Litar Pulau Dato' Sagor, Kampung Gajah, Perak.

Saya dimaklumkan, sebanyak 41 buah jentera lain daripada pelbagai institusi pengajian tinggi awam dan swasta akan menyertai pertandingan ini membabitkan jarak sejauh 600km. Untuk makluman semua, UniART 2 telah mula dibangunkan bermula dari bulan Disember 2010 dan telah siap dibina sepenuhnya pada bulan Mei 2011. Seramai 10 orang staff PPK Mekatronik dan 18 orang pelajar daripada pelbagai pusat pengajian telah bertungkus lumus dalam proses pembangunan jentera tersebut.

Beberapa ciri-ciri kelebihan yang ada pada UniART 2 adalah kerangkanya lebih kompak dan ringan serta telah lulus ujian simulasi dengan cemerlang. Ianya dipacu dengan enjin Honda Wave 125 yang telah dinaiktaraf kapasitinya untuk menghasilkan jentera yang lebih berkuasa dan dilengkapi sistem radio serta beberapa ciri-ciri keselamatan seperti

sistem brek bercakera, penahan impak, sistem penyejuk enjin tambahan, tali pinggang kaledar jenis H, dan dinding penghadang api.

Marilah sama-sama kita memanjatkan doa agar UniART 2 mampu mencipta kejayaan yang membanggakan.

Hadirin sekalian,

Sebelum mengakhiri ucapan pada pagi ini, sukalah saya mengingatkan anda semua agar menjaga nama baik UniMAP sepanjang pertandingan dan kejohanan. Sebagai duta kecil UniMAP, adalah penting untuk anda mempamerkan perbuatan serta menggunakan tutur kata yang baik sepanjang kejohanan.

Izini saya mengakhiri ucapan dengan beberapa rangkap pantun :

**Air sungai mengalir tenang,
Mudahkan nelayan mengail ikan,
Di USM Penang memang kita menang,
Tapi terpaksa kongsi kejuaraan.**

**Ikan seluang si ikan baung,
Sedapnya rasa dimasak tempoyak,
Ayuh pastikan pasukan lain meraung,
Melihat UniMAP Johan Mutlak.**

**Asal tempoyak dari durian,
Bila disimpan tahan lama,
Kontinjen UniMAP raih kejayaan,
Hasil pemuafakatan dan kerjasama.**

Sekian, Wassalamualaikum Warahmatullahi Wabarakatuh.